

〈歸望吟草〉

律詩

〈濱海通勤即景〉

乙未年十月底清晨五時至六時間，至頭城市區轉乘。
沿岸群燈猶未滅，乘風單騎往城間。環陳漁火親龜嶼，獨冷月華迫雪山¹。
貨販行人聲漸沸，車員學子踵無閒。深秋晝短黎明晚，曉日天雲曙色寒。

〈讀頭城老街文史有感〉

丁酉年八月下旬，重讀頭城開墾文史，又近年遊客日多有感。
海角蘭陽天地闊，頭圍拓墾幾重艱。遙臨草嶺巖關岸，遠障龜山石港灣。
街北街南福德廟，倉前倉後苦勞間²。今人或感當年盛，可念先民血淚斑？

〈行跑馬古道至上新花園³〉

戊戌年十二月下旬，午後與同仁走跑馬古道至上新花園折返。
盤旋舊道曾通馬，履及先民走淡蘭。昨雨山柔殘石落，今晴霧暖落雲殘
遙聞隱隱溪聲急，遠望茫茫海界寬。返步名園埋草處，荒煙古徑夕增寒。

〈自抒〉

自乙酉夏，返鄉工作，晨昏定省，方寸已足。
高風當立志，自得本其真。出攬陽晞露，歸沾月照塵。
悲歡難可免，聚散愈相珍。樂伴詩書筆，聽花以待春。

〈苦寒〉

乙未歲末寒流極強，多處降雪，寒害極甚，媒體稱「霸王級寒流」；家鄉近處
山巒，海拔僅四百多公尺者也降雪，村中老者紛言平生七、八十年，未曾見此景象。
霜冰飛雨夜，一雪凜千丘。景麗人雖嚮，寒深我卻愁。
池溶難止淚，葉覆不消憂。或解農漁苦，家山也白頭。

〈訪雙溪⁴連舉人古厝〉

丁酉年十二月中，參訪雙溪連舉人古厝，接受盛情導覽款待，賓主盡歡。
古渡⁵雙溪匯，幽微舉人家，兩樹三合院，門牆四季花。
楹聯崇道德，言談尚法華，主客意無盡，歸來日已斜。

¹ 雪山山脈。

² 《頭城鎮話說搶孤》頁183：「頭圍港時，在媽祖廟前有蓋一間『苦勞間』，這些『苦勞』親像現在碼頭工人，他們都是搬運貨物的人。（樊德惠、蘇美如、張文義合著，2017。宜蘭縣頭城鎮：宜蘭縣頭城中元祭典協會。）

³ 跑馬古道，淡蘭古道的一段，位於石碑、礁溪間；上新花園，曾為熱門休閒遊樂區，今已荒廢。

⁴ 新北市雙溪區；連舉人古厝，清同治六年(1867)舉人連旭椿古宅。

⁵ 雙溪渡船頭，清代時曾是淡蘭古道的重要轉口地點；位於近平林溪、牡丹溪交會處，匯合後為雙溪。

〈曹公圳〉

戊戌年八月，讀曹公事有感。

賢名一圳成，弭盜拒英兵，獎學興書院，聯庄廣砲城。
銘碑言和睦，入祀表經營，德澤長澆溉，憑風憶善卿。

〈登廟埕望遠〉

戊戌末，久雨初晴，偕妻小村里中散步，共妻閒談，觀兒女追逐嬉戲。

層雲向海生，連雨至今晴。久別村鄰徑，深耽鳥鵲聲。
風清相逐戲，日暖共語行。島嶼潮恢闊，每觀總有情。

絕句

〈道中〉

乙未年六月底。

滾滾深雲雖欲雨，車行暮野卻從容。無邊案務終將盡，坐看煙嵐繡翠峰。

〈秋日下班細雨有感〉

乙未年九月初，歸途。

臨門見夕方知晚，久雨初明照已斜。暫候車台遙望霽，雲霞醉我更思家。

〈晚雨〉

乙未年九月中，歸途。

秋行風雨晚來涼，客走匆匆處處茫。可想妻兒門外候，歸途再苦也無妨。

〈早歸〉

乙未年十月中，歸途。

窗前遠近如星過，意已尋虛不在焉。暗幸秋陽仍未落，餘吾片刻照霞煙。

〈無電〉

丙申年九月，風災⁷停電。

雨夜無燈夜更長，憑聽愈感暴風狂。孩童也解風災苦，總問何時乃見光。

〈龜山車站即感〉

丁酉年八月，見學子離鄉有感。

言長無盡意，往返是離愁，折柳傷心地，迎回幾度秋。

〈頭城道中〉

戊戌年一月下旬，歸途有感。

平原雲霧密，遠近總茫茫，莫怪冬長雨，濛濛乃故鄉。

⁶ 曹謹(1789~1849)。曾任鳳山知縣，築圳引高屏溪灌溉下游農田，多有建設，受後人懷念。

⁷ 2016年9月28日，梅姬颱風襲臺。

〈驟雨〉

戊戌年六月下旬，申時驟雨。

遠山雲雨聚，倏忽兩濛濛，雨驟山風疾，子呼白匆匆。

〈午後遠望〉

戊戌年夏至。

夏至望歸船，龜山籠海煙。週遭皆欲息，鳥囀伴酣眠。

〈李春生⁸〉

戊戌年八月，讀李春生。

雲帆集稻津，遠近播茶醇。豈僅商名著，行思一哲人。

〈三行壯圍道中〉

己亥，雨水過後三日。

新秧裁翠毯，片片染青山。向晚層雲至，春風入袖寒。

古體

〈花泉農場⁹小記〉

癸巳年七月，乘觀光公車遊宜蘭員山地區，本欲造訪勝洋水草¹⁰，遇驟雨，無意間轉入其旁一隱微之園區，為花泉農場，別有洞天。

暑氣炎炎晴日朗，既來八甲¹¹過勝洋。團雲陰陰而速聚，天亦隆隆迅無光。
雷雨嘩嘩如傾下，霧自上下一茫茫。狼狽疾走隱隱徑，身沾草露似晶霜。
野薑生花湧清泉，水淨雜花錯人前。交款登樓聽流雨，卸物歇息望山邊。
驟雨漸停風滿園，展書照我妻倦眠。觀兔爭食笑貓懶，浴足水上坐秋千。
臨去待車紅日顯，山村漫步望霞煙。豈知到此誠不易，終必記之為詩篇。

〈二結穀倉〉

甲午年三月底。

一圳潤澤田千頃，百姓墾土結成鄉。長春¹²已隨糧倉老，樑間猶有米熟香。

〈夜讀〉

丁酉年五月初。

青山成翠墨，寥落影漸深。炊聲並煙起，歸鳥遶餘音。
蟾蛙唱溝壑，促織西苑吟。杯盤交錯響，香稠味沾襟。
伸欠梳洗罷，牽兒漫步搖。廟庭涼風至，微光視雲飄。
難求兒女睡，聽書還撒嬌。輾轉鼾聲細，伴我到中宵。

⁸ 李春生(1838-1924)。清末日治時期以茶貿易致富的豪商，也是臺灣基督長老教會的奠基者。

⁹ 位於員山鄉尚德村。

¹⁰ 位於員山鄉八甲路，以養殖水草與相關活動為主題。

¹¹ 員山鄉八甲路。

¹² 宜蘭縣五結鄉二結村、鎮安村等有二結圳，為萬長春圳系統一部分。現美化為步道、公園供人行憩。

〈端午〉

戊戌年端午。

老幼聚端陽，粽實竹葉香。把手同祭祖，細心點雄黃。
先賢固可佩，我心卻平常。節節團圓日，人人在故鄉。

〈午時水〉

戊戌年端午。

五月五日青雲低，谷樹蟬唱草萋萋。可惜昨夜雨來少，未能浴乎午時溪。

〈彩虹〉

戊戌年六月中。

午後日豔金雨飄，天弓橫現色嬌嬈，小兒喜登樓臺望，意滿欣呼彩虹橋。

〈不成眠〉

戊戌年六月。

窗月影闌干，閑人入睡難，中有難言事，出門步盤桓。
促織聲唧唧，風雲起萬端，如何得自勉，應想天地寬。

〈夕從利澤沿濱海公路經蘭陽溪口〉

戊戌年八月底。

山如群龍向東去，雨似流星迎面來。龜蛇¹³為我指家路，秋瀉墨雲染天開。

〈白露後重經壯圍作〉

戊戌年九月中旬，時白露後。

重行此路野草長，白鷺零星水中央。青黃漸替花見少，一年春夏又秋涼。

〈芒〉

戊戌末，見芒花有感，村中出外之遊子如斯乎？

斑雲托夕陽，輾轉風裡芒。紛紛阡陌上，落落水中央。
或於園邊聚，時至草下藏。如何歸故里？遠望山蒼蒼。

詞

〈憶王孫¹⁴·假日歸途行經壯圍作〉

戊戌年六月底，周日傍晚，夏至剛過。

歸途漫過壯圍鄉，夏至才離穗滿黃，圳水波平染夕陽。晚風涼，蝴蝶花¹⁵香點稻香。

¹³《噶瑪蘭廳誌·卷一》：「龜山一名龜嶼：在廳治東六十里海島，以形得名。岸臨無際，孤嶼聳起，與玉山遙遙作對。其縈波蹙蹙，近複與沙汕蜿蜒，天然作廳治門戶。形勢家所謂龜蛇把口是也。」

¹⁴依《欽定詞譜》。

¹⁵野薑花的俗稱。